

Der. XI. Titel des Erste Tractats

Von appellacion wie die ge- schehen vnd verkündt werden sol.



Oewil die appellacion de-
nen/so sich vermeinen beschwert zū sin/von den heil-
ligen Päpstlichen vnd Keiserliche rechten/heilsam-
lich zū gelassen vnd erdacht ist/So haben wir Bür-
germeister vnd Rat der obgemelte Statt Fryburg
dise nach gemelten Satzungen vnd ordnungen ap-
pellierens halb gemacht vnd angesehen. Namlich so zwüschen parthien
in vnserm Rat vnd Stattgerichte/entlich geurteilt würdet/vnd sich ein-
teil Befinde/darinn beschwert zū sin/so mag dieselb beschwert parthy ze-
stund nach eröffnung der vteil/in gegenwürtigkeit der Richter vnd wi-
derparthie mündlich appellieren/vteilbüeff vnd appostolos begeren/vnd
so dz also geschicht/sol solich appellacio in den vteilbüefe gestellt werde.

Wie innerthalb zehen tagen

geappelliert werden sol.

¶ Welcher aber nit von stundan nach eröffnung der vteil mündlich
appelliert/oder sunst besorgte er hett nit formlich appelliert/der mag in-
nerhalb zehen tagen den nechste darnach/von einer stund zū der andern
zerechnen/in schuffte appellieren vor vnserm Rat vnd gericht/wo dan die
vteil gangen ist/oder vor globwürdigen bekanten notarien vñ gezügen.

Wen die ansprach zwentzig

guldin vnd darunder ist/wohin geappelliert werden sol.

¶ Vnd wen die vteil am Stattgerichte gefallen ist/so vert sich dan die
Klag vnd anfordrüg vff zwentzig Römisch guldin vñ darunder an schuld
oder werde erloffet vnd betriefft/so sol die appellacion obgerürter gestalt
für vns Bürgermeister vnd Räte/vnd nit wyter geschehen/vñ was als
dan von vns gesprochen würt/dem gelept vnd nachkomen werden. In-
massen die freyheit/so wir von vnserm allergnedigste herre herten Mari-
milian Römischen Keysern zc. vnder siner Ma. küniglichen würde sigel
vßgangen/By hande haben/klärlich vßwysen/by dero inhalt lassen wir
genzlich pliben.